

Na osnovu člana 12. Zakona o udruženjima i fondacijama Bosne i Hercegovine („Službeni glasnik BiH“, br.32/01,42/03,63/08,76/11i 94/16) Skupština HOKEJAŠKOG SAVEZA BOSNE I HERCEGOVINE, na sjednici održanoj dana 25.07.2018.godine u Sarajevu, donosi:

STATUT

HOKEJAŠKOG SAVEZA BOSNE I HERCEGOVINE

I OPŠTE ODREDBE

Član 1.

HOKEJAŠKI SAVEZ BOSNE I HERCEGOVINE (u daljem tekstu: Savez) je Savez koji je registrovan kod Ministarstva pravde Bosne i Hercegovine, u skladu sa Zakonom o udruženjima i fondacijama Bosne i Hercegovine i Zakonom o sportu u Bosni i Hercegovini.

Konstatuje se da je u članstvu Saveza i „HOKEJAŠKI SAVEZ FEDERACIJE BOSNE I HERCEGOVINE“, koji je upisan u Registar udruženja kod Federalnog ministarstva pravde Federacije Bosne i Hercegovine, na osnovu Rješenja Federalnog ministarstva pravde, broj: 03-05-2-499/18od 28.05.2018. godine.

Član 2.

Ovim Statutom u skladu sa članom 12. Zakona o udruženjima i fondacijama Bosne i Hercegovine (u daljem tekstu: Zakon), uređuje se:

- Naziv Saveza,skraćeni naziv i sjedište Saveza;
- Ciljevi i djelatnosti Saveza;
- Postupak za primanje i isključivanje članova;
- organiSaveza,način na koji se biraju,ovlaštenja koja imaju,kvorum i pravila glasanja,trajanje mandata,osobu ovlaštenu da sazove Skupštinu,uslove i način raspuštanja,odnosno prestanak rada;
- opis, oblik i sadržaj pečata i znaka Saveza;
- Pravila za ostvarivanje,upotrebu i raspolaganje sredstvima Saveza,kao i tijelo koje je ovlašteno za nadzor nad upotrebom tih sredstava;
- Javnost rada Saveza;
- Postupak za izmjenu i dopunu Statuta,ovlaštenje i način donošenja drugih općih akata;
- zastupanje Saveza;
- način podnošenja finansijskog izvještaja i izvještaja o radu Saveza;
- uslove i postupak za spajanje,podjelu odnosno prestanak rada Saveza,uključujući i bilo kakav poseban kvorum ili pravila za postizanje kvalifikovane većine u postupku glasanja;

- postupak za raspolaganje preostalim imovinom ili drugim sredstvima u slučaju raspuštanja ili prestanka rada Saveza;
- druga pitanja od značaja za organizovanje rada Saveza.

Član 3.

Savez je sportska, nevladina, nestranačka i nepolitična organizacija, osnovana u cilju unapređenja i razvoja hokejaškog sporta u Bosni i Hercegovini, u skladu sa Zakonom, Zakonom o sportu u Bosni i Hercegovini i ovim Statutom.

Član 4.

Savez ima pravo i slobodu da se udružuje i saraduje sa međunarodnom organizacijom: International Hockey Federation (IHF).

Savez je član Olimpijskog komiteta Bosne i Hercegovine.

Član 5.

Savez ima svojstvo pravnog lica, koje stiče upisom u Registar kod nadležnog Ministarstva. Savez u pravnom prometu nastupa samostalno i u svoje ime i u okviru svojih pravnih mogućnosti će obavljati pravne poslove. Za obaveze preuzete u pravnom prometu Savez odgovara svojom cjelokupnom imovinom (potpuna odgovornost).

Član 6.

II NAZIV, SJEDIŠTE I PODRUČJE DJELOVANJA SAVEZA

Puni naziv Saveza je:

- HOKEJAŠKI SAVEZ BOSNE I HERCEGOVINE
- ХОКЕЈАШКИ САВЕЗ БОСНЕ И ХЕРЦЕГОВИНЕ
- HOKEJAŠKI SAVEZ BOSNE I HERCEGOVINE

Skraćeni naziv saveza je:

- HS BiH,
- ХСБИХ,
- HSBiH,

Savez ima naziv na engleskom jeziku koji glasi:

Puni naziv Saveza na engleskom jeziku glasi:

- HOCKEY FEDERATION OF BOSNIA AND HERZEGOVINA

Savez djeluje na području Bosne i Hercegovine.

Sjedište Saveza je u Sarajevu, ulica Alipašina bb.

III OPIS OBLIKA I SADRŽAJ PEČATA I ZNAKA SAVEZA

Član 7.

Pečat Saveza je okruglog oblika prečnika 30 mm sa ispisanim tekstom naziva Saveza na latiničnom i ćiriličnom pismu: HOKEJAŠKI SAVEZ BOSNE I HERCEGOVINE, ХОКЕЈАШКИ САВЕЗ БОСНЕ И ХЕРЦЕГОВИНЕ, i nazivom Saveza na engleskom jeziku: HOCKEY FEDERATION OF BOSNIA AND HERZEGOVINA po rubu, i sjedištem Saveza: SARAJEVO, a u sredini kruga je znak Saveza.

Savez može imati i više pečata, s tim što svaki mora biti numerisan brojevima. Za čuvanje i upotrebu pečata ovlašten je predsjednik Saveza.

Savez ima svoj znak. Znak Saveza je stilizirani oblik štita oivičen plavim linijama u čijem se vrhu nalaze tri zvijezde bijele boje. U unutarnjem dijelu štita se nalazi manji stilizovani štitić u čijem gornjem dijelu na žutoj podlozi se nalazi ispisan skraćeni naziv Saveza: HSBiH, velikim štampanim slovima plave boje. U donjem dijelu se nalazi silueta hokejaša u pokretu bijele boje, sa čije desne strane se nalaze nepravilne linije žute boje, koje predstavljaju vjetar. Iznad znaka je ispisan puni naziv Saveza latiničnim pismom i to: HOKEJAŠKI SAVEZ BOSNE I HERCEGOVINE, a ispod znaka je ispisan naziv Saveza na engleskom jeziku, i to: HOCKEY FEDERATION OF BOSNIA AND HERZEGOVINA.

Savez ima i svoj štambilj koji je pravougaonog oblika, dimenzija 50x25 mm, i sadrži puni naziv Saveza HOKEJAŠKI SAVEZ BOSNE I HERCEGOVINE, kao i prostor za upisivanje broja i datuma.

Član 8.

Osnivači Saveza imaju i obavezu da se u svom radu naročito pridržavaju načela ravnopravnosti, sportske etike, zakonitosti i jedinstvenosti uradu Saveza.

Entitetski, Kantonalni, gradski, opštinski nivoi hokejaškog sporta u Bosni i Hercegovini trebaju usaglasiti Statute sa Statutom HOKEJAŠKOG SAVEZA BOSNE I HERCEGOVINE.

IV CILJEVI I DJELATNOSTI SAVEZA

Član 9.

Ciljevi i djelatnosti Saveza su:

- organiziranje i provođenje sistema takmičenja,
- zastupanje i predstavljanje sporta u međunarodnim sportskim organizacijama,
- pripremanje i nastupanje državnih reprezentacija na zvaničnim međunarodnim takmičenjima,
- utvrđivanje programa razvoja u skladu sa Strategijom,
- saradnju s nadležnim sportskim i drugim organima Bosne i Hercegovine
- afirmacija sportskog duha i duha fer pleja u hokejaškom sportu,
- rad na promociji hokejaškog sporta,
- pomoć i podrška u unapređenju i popularizaciji hokeja na koturaljkama, hokeja na travi, floorball-a i bandy-a, kao grana hokej sporta u BiH;
- unapređenje hokejaškog sporta na nivou BiH naročito kod mladih ljudi,
- borba protiv lažiranja, nasilja i dopinga u hokejaškom sportu,
- unapređenje i osposobljavanje za rad hokejaški sudija, hokejaških trenera i hokejaških delegata,
- određivanje uslova i kriterija za obavljanje poslova hokejaških sudija, hokejaških trenera i hokejaških delegata, kao i sportskih menadžera u hokejaškom sportu na nivou BiH,
- stvaranje optimalnog ambijenta za provođenje djelatnosti Saveza,
- učešće u unapređenju, razvoju i promociji hokejaškog sporta,
- obezbjeđenje materijalnih sredstava za obavljanje djelatnosti Saveza,
- svakodnevni i kontinuirani rad na afirmaciji, unapređenju i razvoju hokejaškog sporta i hokeja na nivou BiH,
- **brisano jer je pomenuto u tački 1.**
- organizovanje seminara, simpozija, prezentacija i sportskih događaja na nivou BiH u svrhu ostvarivanja djelatnosti Saveza, u skladu sa Zakonom,
- rad sa dječjim, kadetskim, juniorskim i seniorskim selekcijama na nivou BiH,
- donošenje pravilnika i drugih propisa i pravila koji su neophodni za odigravanje sportskih utakmica i održavanje takmičenja na nivou BiH,
- svakodnevna i kontinuirana saradnja sa svim Savezima na svim nivoima u BiH,
- izdavanje stručnih sportskih publikacija, u skladu sa Zakonom,
- utvrđuje sistem takmičenja na nivou BiH,
- rad na provođenju dogovorenih sistema takmičenja na nivou BiH,
- definisanje uslova i načina usavršavanja stručnih kadrova na nivou BiH,
- utvrđivanje i provođenje programa državnih reprezentativnih selekcija,
- učestvovanje u definisanju normativa i standarda za finansiranje priprema i učešća reprezentativaca u selekcijama na nivou BiH i provođenje programa reprezentativnih selekcija na nivou BiH,
- organiziranje sportskih takmičenja i davanje mišljenja o kandidaturama za organizovanje i učestvovanje na određenim sportskim takmičenjima,
- organizovano podnošenje zahtjeva Saveza pred nadležnim organima, a naročito oplaniranju izgradnje, održavanja i korištenja objekata u kojima se održavaju sportska takmičenja i treninzi,
- kontinuirano praćenje i učestvovanje u izradi propisa o zdravstvenoj zaštiti i osiguranju sportista na nivou BiH,

- podrška u definisanju nastavnih programa na osnovu kojih se stiču odgovarajuća stručna zvanja trenera i drugih lica koja rade sa sportistima i organizovanju sportskih priredbi i manifestacija na nivou BiH,
- rad na kandidovanju sportskih organizacija za organizovanje sportskih priredbi i manifestacija,
- organiziranje sportskih priredbi i manifestacija,
- utvrđivanje kriterija i mjerila za finansiranje određenih sportskih djelatnosti iz sredstava koja Savez ostvari vlastitom djelatnošću ili ih dobije na drugi način,
- surađuje sa istim i sličnim organizacijama u zemlji i inostranstvu.

Član 10.

Ciljevi i djelatnosti Saveza obavljaju se na način utvrđen ovim Statutom.

Za obavljanje djelatnosti iz člana 9. ovog Statuta, Savez može imati podružnice ili druge organizacione oblike izvan sjedišta, na cijelom području Bosne i Hercegovine, a koje nemaju svojstvo pravnog lica.

VPOSTUPAK ZA PRIMANJE I ISKLJUČIVANJE ČLANOVA

Član 11.

Svojstvo člana Saveza može steći svako fizičko lice državljanin Bosne i Hercegovine, kao i strano fizičko lice koje ima odobren boravak u Bosni i Hercegovini, koje želi da se bavi hokejom na ledu, hokejom na koturaljkama, hokejom na travi, flloorball-om i bandy-em, i koja prihvataju Statut i ciljeve i djelatnosti Saveza.

Članom Saveza mogu postati sva pravna lica-savezi koji su registrovani kod nadležnih organa za obavljanje hokejaškog sporta u Bosni i Hercegovini, u skladu sa posebnim Zakonom.

Članstvo u Savezu je dobrovoljno.

Članovi Saveza mogu biti:

- Redovni
- Pridruženi
- Počasni

Redovni članovi Saveza su lica iz stava 1. i 2. ovog člana.

Odluku o prijemu novih članova donosi Skupština Saveza.

Redovni članovi potpisuju izjavu o prihvatanju Statuta i ciljeva i djelatnosti Saveza.

Pridruženi članovi pristupaju Savezu radi sudjelovanja u realizaciji ciljeva i djelatnosti Saveza.

Počasni članovi su lica koja materijalno ili na drugi način pomažu rad Saveza bez prava glasa.

Počasni članovi mogu učestvovati u radu Saveza savjetodavnom funkcijom.

Počasni članovi mogu biti fizička lica i pravna lica registrovana na teritoriju Bosne i Hercegovine, u skladu sa Zakonom.

Naziv počasnog člana dodjeljuje Skupština na prijedlog Upravnog odbora.

-

Savez vodi spisak članova Saveza.

Član 12.

Redovni i pridruženi članovi Saveza imaju prava da:

- preko svojih predstavnika aktivno učestvuju u radu i odlučivanju u svim organima i radnim tijelima Saveza;
- njihovi predstavnici biraju i budu birani u organe i radna tijela Saveza;
- aktivno učestvuju u utvrđivanju programa i plana rada Saveza i njihovoj realizaciji;
- ostvaruju uvid u rad Saveza, pokreću akcije, predlažu i preduzimaju mjere za ostvarivanje ciljeva i djelatnosti i programa rada Saveza;
- ostvaruju zaštitu svojih prava.

Član 13.

Svi članovi Saveza, **redovni, pridruženi i počasni**, su obavezni da:

- poštuju odredbe Statuta, ciljeve i djelatnosti i druga opšta akta Saveza;
- međusobno sarađuju radi ostvarivanja ciljeva i djelatnosti utvrđenih Statutom, drugim aktima Saveza i odlukama njegovih organa;
- aktivno učestvuju u obezbjeđenju realizacije usvojenih programa i planova Saveza i drugih obaveza od interesa za hokejaški sport;
- učestvuju u stručnim aktivnostima Saveza;

Članstvo u Savezu **za sve članove Saveza** prestaje:

- dobrovoljnim istupanjem iz Saveza;
- isključenjem iz Saveza;
- prestankom svojstva pravnog lica;
- prestankom rada Saveza;

Član 14.

Svaki član Saveza, **redovni, pridruženi ili počasni**, može dobrovoljno istupiti iz Saveza na osnovu pismene izjave o istupanju koju dostavlja Upravnom odboru Saveza. O uslovima i načinu prestanka članstva odlučuje Skupština Saveza.

Član 15.

Član Saveza koji grubo krši Statut Saveza, ne izvršava svoje obaveze prema Savezu ili svojim postupcima nanosi štetu Savezu ili narušava njegov ugled, može biti isključen iz Saveza. Odluku o prestanku članstva u Savezu donosi Upravni odbor Saveza.

Član 16.

Član koji je nezadovoljan odlukom iz prethodnog člana, može uložiti prigovor Skupštini Saveza u roku od 15 dana od dana prijema obavijesti.
Odluka Skupštine po žalbi je konačna.

VI ORGANI SAVEZA, NAČIN NA KOJI SE BIRAJU, OVLAŠTENJA KOJA IMAJU, KVORUM I PRAVILA GLASANJA, TRAJANJE MANDATA, OSOBA OVLAŠTENA DA SAZOVE SKUPŠTINU, USLOVE I NAČIN RASPUŠTANJA, ODNOSNO PRESTANAK RADA

Član 17.

Organi Saveza su:

1. Skupština,
2. Upravni odbor,
3. Predsjednik Saveza
4. Sekretar

1. SKUPŠTINA

Član 18.

Skupština Saveza (u daljem tekstu Skupština) je najviši organ upravljanja Saveza.

Skupštinu čini 13 članova-predstavnik imenovanih od članica Saveza i to: 6 članova iz „HOKEJAŠKOG SAVEZA FEDERACIJE BOSNE I HERCEGOVINE“, 3 člana iz Hokej Kluba „Bosna“ i 4 člana iz Hokej Kluba „Vukovi(Stari Grad)“. Radom Skupštine rukovodi predsjednik i zamjenik predsjednika Skupštine, koje bira i razrješava Skupština.

Mandat predsjednika i zamjenika predsjednika Skupštine traje četiri godine s pravom ponovnog izbora.

Član 19.

Skupština može biti: redovna, vanredna i izborna.

Redovna Skupština se saziva najmanje jedan put godišnje.

Vanredna Skupština se saziva kada se steknu uslovi iz člana 18. ovog Statuta.

Izborna Skupština se održava svake četiri godine.

Član 20.

Skupštinu saziva predsjednik Skupštine, najkasnije 15 dana prije njenog zasjedanja. Predsjednik Skupštine je dužan sazvati vanrednu Skupštinu u slučaju kada to zahtjeva najmanje 1/3 članova Skupštine ili kada to traži Upravni odbor Saveza. Ako predsjednik Skupštine ne sazove Skupštinu u roku od 30 dana u slučajevima iz prethodnog stava, odluku o sazivanju Skupštine donijet će predlagач.

Član 21.

Skupština radi i odlučuje u skladu sa Statutom i poslovnikom o radu.

Kvorum za održavanje Skupštine je nadpolovična većina svih članova Skupštine.

Skupština donosi odluke nadpolovičnom većinom svih prisutnih članova Skupštine.

Na sjednici Skupštine vodi se zapisnik, u koji se unose osnovni podaci o radu Skupštine, a naročito donesene odluke, zaključci i podaci o glasanju.

Način rada Skupštine i druga pitanja iz njenog djelokruga bliže se regulišu Poslovnikom o radu Skupštine.

Član 22.

Odluke Skupštine se donose javnim glasanjem, a samo izuzetno tajnim glasanjem.

Skupština radi i odlučuje u skladu sa Statutom i Poslovnikom o radu.

Skupština bira zapisničara na početku rada sjednice koji vodi zapisnik.

Zapisnik mora da odražava bitan tok rada i suštinu svih odluka i stavova Skupštine.

Član 23.

Odluke o spajanju, podjeli ili prestanku rada Saveza, Skupština donosi 2/3 većinom glasova svih članova skupštine.

Član 24.

Predsjednik Skupštine:

- stara se o organizovanju Skupštine i saziva njene sjednice;
- predlaže dnevni red sjednice;
- predsjedava sjednicama Skupštine;
- potpisuje akte donesene na Skupštini;
- stara se o izvršavanju odluka, zaključaka i drugih akata Skupštine;
- koordinira rad organai tijela Skupštine;
- vrši i druge poslove koje mu odredi Skupština u skladu sa Zakonom i ovim Statutom.

Predsjednika Skupštine Saveza u slučaju spriječenosti ili odsutnosti mijenja zamjenik predsjednika Skupštine Saveza.

Član 25.

Skupština, kao najviši organ Saveza ima ovlaštenja da:

- donosi, izmjene i dopune Statuta Saveza i druge akte određene ovim Statutom;
- donosi program rada Saveza i osnovne smjernice razvoja hokejaškog sporta u BiH;
- razmatra i odobrava finansijske planove i izvještaje o finansijskom poslovanju Saveza;
- donosi godišnje i srednjoročne planove Saveza;
- razmatra i odobrava izvještaje o radu organa Saveza;
- bira razrješava predsjednika i zamjenika predsjednika Skupštine Saveza, članove Upravnog odbora i predsjednika Saveza;
- donosi odluke i imenovanju lica ovlaštenog za zastupanje Saveza;
- razmatra i usvaja izvještaje koje podnose Upravni odbor Saveza;
- donosi odluku o promjeni naziva, sjedišta i znaka Saveza;
- donosi odluku o spajanju, podjeli i prestanku rada Saveza;
- usvaja, mijenja Poslovnik o radu Skupštine Saveza;
- donosi odluke o sistemu takmičenja na nivou Bosne i Hercegovine i nižim nivoima;
- donosi odluku o prijemu novih članova u Savez, u skladu sa Zakonom;
- odlučuje o visini i načinu plaćanja kotizacije;
- donosi Poslovnik o radu Skupštine Saveza;
- donosi odluke po žalbama članova Saveza u drugom stepenu;
- donosi odluku o prestanku rada Saveza i raspodjeli preostale imovine nakon raspuštanja Saveza;
- obavlja i druge poslove koji nisu u nadležnosti drugih organa Saveza u skladu sa Zakonom, ovim Statutom i drugim aktima Saveza.

2. UPRAVNI ODBOR

Član 26.

Upravni odbor Saveza je izvršni organ Saveza i za svoj rad odgovara Skupštini. Upravni odbor Saveza čini pet (5) članova. Upravni odbor Saveza ima:

- Predsjednika
- podpredsjednika, i
- tri (3) člana.

Predsjednik i podpredsjednik Upravnog odbora su ujedno i predsjednik i podpredsjednik Saveza.

Član 27.

Upravni odbor bira i razrješava Skupština na mandat od četiri godine sa mogućnošću reizbora. Radu Upravnog odbora prisustvuje sekretar, bez prava glasa.

Član 28.

Upravni odbor radi na sjednicama, u skladu sa Poslovníkom o radu. Upravni odbor se sastaje po potrebi, a najmanje jednom u tri (3) mjeseca. Sjednicom Upravnog odbora predsjedava Predsjednik, a u slučaju spriječenosti predsjedava podpredsjednik ili lice koga Predsjednik pismeno ovlasti.

Kvorum za održavanje sjednice Upravnog odbora je nadpolovična većina svih članova Upravnog odbora.

Upravni odbor donosi odluke nadpolovičnom većinom prisutnih članova Upravnog odbora.

Pored članova Upravnog odbora, sjednicama mogu prisustvovati i druge osobe koje su vezane za realizaciju određenih zadataka, ali bez prava odlučivanja. Članovi Upravnog odbora imaju jednaka prava, dužnosti i odgovornosti u radu Upravnog odbora.

Član 29.

Članovi Upravnog odbora Saveza mogu biti razriješeni dužnosti i prije isteka mandata ukoliko:

- po sopstvenoj želji zatraže zamjenu ili podnesu pismenu ostavku usljed bilo kojih razloga;
- ako ne dođu na sjednicu tri puta uzastopno, bez opravdanih razloga;
- ako svojim radnjama u vezi sa radom Upravnog odbora ruše ugled Saveza;
- u drugim slučajevima predviđenim Zakonom, ovim Statutom i aktima Saveza.

Član 30.

Predsjednik Upravnog odbora:

- Saziva sjednice Upravnog odbora samoinicijativno ili na zahtjev najmanje jedne trećine članova Upravnog odbora i rukovodi njenim radom;
- stara se o provođenju programa rada, odluka, zaključaka i smjernica Skupštine;
- stara se o provođenju plana rada Upravnog odbora;
- Sačinjava godišnji i polugodišnji izvještaj o svom radu i podnosi ga Upravnom odboru na razmatranje i usvajanje;
- Potpisuje akte koje donosi Upravni odbor;
- Održava stalne kontakte sa javnošću i promovira ciljeve i djelatnosti Saveza;
- vrši i druge poslove koje mu odredi Skupština i Upravni odbor Saveza.

Član 31.

Upravni odbor obavlja sljedeće poslove:

- Priprema sjednice Skupštine;
- priprema i predlaže nacrt promjena Statuta i drugih opštih akata, koje donosi Skupština Saveza;
- Provodi poslovnu politiku, zaključke i druge odluke koje je donjela Skupština;
- upravlja imovinom Saveza;
- podnosi godišnji ili periodični izvještaj o radu Skupštini Saveza na usvajanje;
- obezbjeđuje provođenje Statuta i drugih opštih akata Saveza i odluka Skupštine;
- utvrđuje prijedlog godišnjih i srednjoročnih programa rada i finansijskih planova;
- koordinira rad i razvija saradnju sa drugim organizacijama radi uspješnog ostvarivanja rada Saveza;
- razmatra i rješava žalbe članova u prvom stepenu;
- prati provedbu finansijskog plana i donosi odluke o upotrebi sredstava;
- priprema izvještaje, analize, informacije i druge materijale za Skupštinu;
- donosi poslovnik o svom radu, radu komisija i drugih tijela;
- određuje naredbodavca i utvrđuje ovlaštenja za finansijsko poslovanje;
- utvrđuje politiku međunarodne sportske saradnje i program međunarodnih takmičenja;
- donosi pravilnik Saveza o disciplinskoj i materijalnoj odgovornosti;
- odlučuje o organizaciji i načinu obavljanja stručnih i administrativno- tehničkih poslova za potrebe saveza;
- osniva stalna i povremena radna tijela-komisije, odbore, imenuje i razrješava njihove predsjednike i članove i potvrđuje im programe rada;
- razmatra izvještaje o radu stalnih i povremenih radnih tijela;
- bira i razrješava sekretara Saveza;
- bira i razrješava Direktora reprezentacija;
- bira i razrješava Selektore, trenere i drugo stručno osoblje;
- utvrđuje programe i planove saveza;
- donosi Pravila i propozicije organizovanja i provođenja prvenstvenih takmičenja Saveza;
- utvrđuje kalendar i odlučuje o mjestima održavanja državnih hokejaških prvenstava i međunarodnih takmičenja i njihovim organizatorima;
- donosi Poslovnik o radu Upravnog odbora Saveza;
- daje tumačenja opštih akata Saveza;
- organizuje nastupe reprezentacija i utvrđuje kalendar takmičenja;
- donosi odluke za službena putovanja u zemlji i inostranstvu za reprezentaciju i vodstvo puta, te priprema i podnosi izvještaj o svom radu;
- donosi normativna akta iz svoje nadležnosti;
- potvrđuje liste sudaca, delegata, kontrolora koje su predložile nadležne komisije;
- certificira hokejaške sportske menadžere;
- obavlja i druge poslove u skladu sa Zakonom i ovim Statutom ili ukoliko mu to odredi Skupština Saveza.

Član 32.

Upravni odbor radi svog operativnijeg i racionalnijeg rada bira svoja radna tijela - komisije i to :

- stručna i edukacijska komisija,
- komisija za takmičenja, ledene plohe, sigurnost i tehnička pitanja,
- komisija za sudije i suđenje,
- komisija za sportsku medicinu,
- statutarno pravna, arbitražna i disciplinska komisija,
- registraciona komisija za registraciju, status igrača i transfer,
- komisija za finansije, medije, marketing i TV.

Upravni odbor može po potrebi osnovati ad hok (privremena) radna tijela radi rješavanja posebnih pitanja na određeni vremenski period. On određuje i sastav i definira odgovarajuća prava i dužnosti.

3. PREDsjedNIK SAVEZA

Član 33.

Udruženje ima predsjednika Saveza, kojeg bira i razrješava Skupština na mandatni period od četiri (4) godine, sa mogućnošću reizbora.

Predsjednik je za svoj rad odgovoran Skupštini.

Član 34.

Predsjednik Saveza ima sljedeća prava i dužnosti:

- Zastupa i predstavlja Savez u pravnom prometu;
- Rukovodi radom Saveza i organizira njegov rad;
- Odgovoranje za zakonitost rada Saveza;
- Odlučuje o upotrebi sredstava za realizaciju ciljeva Saveza;
- Naredbodavac je u izvršenju finansijskog plana;
- Stara se o izvršenju odluka, zadataka i zaključaka Skupštine;
- Nastupa u ime Saveza u odnosima sa trećim licima;
- Podnosi izvještaj o radu Skupštini i Upravnom odboru;
- Priprema i predlaže nacrt budžeta za rad Saveza, Upravnog odbora i Skupštine;
- Stara se o pravilnom korištenju imovine Saveza, o urednom obavljanju materijalno finansijskog poslovanja, zakonitom i blagovremenom vršenju stručnih i administrativnih poslova;
- Koordinira rad organa i tijela i donosi odluke o pitanjima o radu Saveza, osim onih koji su u isključivoj nadležnosti Skupštine i Upravnog odbora;
- Obavlja i druge poslove koje mu je povjerila Skupština.

U slučaju odsutnosti predsjednika Saveza, sve poslove iz prethodnog stava obavljat će potpredsjednik Saveza, uz pismenu saglasnost predsjednika Saveza.

Predsjednik Saveza je ujedno i predsjednik Upravnog odbora Saveza.

Predsjednik može biti opozvan i prije isteka vremena na koji je izabran i to:

- Na sopstveni zahtjev;
- ako ne obavlja pravilno poslove predsjednika Saveza,
- Ako svojim radnjama nanosi I ruši ugled Saveza, i
- Drugim slučajevima predviđenim Zakonom, ovim Statutom I aktima Saveza.

SEKRETAR

Član 35.

Savez ima sekretara kojeg imenuje i razrješava Upravni odbor Saveza na mandatni period od 4(četiri) godine, sa mogućnošću reizbora.

Sekretar svoje poslove i zadatke može obavljati kao lice u radnom odnosu na određeno ili neodređeno vrijeme, u honorarnom statusu ili na drugi način u skladu sa Zakonom o radu o čemu odlučuje Skupština Saveza.

Član 36.

Sekretar vrši sljedeće poslove i zadatke:

- priprema odnosno organizuje pripremu normativnih akata ili drugih materijala koji se razmatraju na sjednici Skupštine, njenim radnim tijelima, sjednicama Upravnog odbora i drugih organa Saveza;
- sprovodi i prati sprovođenje odluka Saveza;
- vodi brigu o zakonitom radu organa Saveza;
- izvršava odluke Saveza finansijskog karaktera;
- vodi poslove registracije klubova, hokejaša, trenera, sportskih menadžera i ostalih članova Saveza;
- radi i druge poslove po ovlaštenju Upravnog odbora, u skladu sa Statutom.

VII PRAVILA ZA OSTVARIVANJE, UPOTREBU I RASPOLAGANJE SREDSTVIMA SAVEZA, KAO I TIJELO KOJE JE OVLAŠTENO ZA NADZOR NAD UPOTREBOM TIH SREDSTAVA

Član 37.

Prihodi Saveza su prije svega sljedeći:

- članarina;
- dobrovoljni priloz i pokloni fizičkih i pravnih lica, kako inozemnih tako i domaćih, u gotovini, uslugama ili imovini bilo koje vrste;
- državne subvencije i ugovori sa fizičkim i pravnim licima, kako domaćim tako i inozemnim;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;

- prihodi stečeni kroz ostvarivanje ciljeva i djelatnosti Saveza u skladu sa Zakonom i ovim Statutom;
- sredstva dobivena iz opštinskih, kantonalnih, federalnih i državnih izvora;
- drugi izvori u skladu sa Zakonom.

Član 38.

Savez je dužan voditi evidenciju o imovini u skladu sa važećim propisima.

Savez je dužan da propisno vodi poslovne knjige u skladu sa općeprihvaćenim računovodstvenim principima i da sastavlja finansijske izvještaje u skladu sa Zakonom.

Član 39.

Sredstva Saveza mogu se koristiti isključivo za ostvarivanje ciljeva i djelatnosti predviđenih Statutom.

Član 40.

Nadzor nad upotrebom imovine i sredstava Saveza vrši Skupština Saveza direktno ili preko svojih tijela odnosno ad-hoc komisija.

Član 41.

Ostvarivanje, korištenje i raspolaganje sredstvima Saveza utvrđuje se finansijskim planom, kojeg donosi Skupština, na prijedlog Upravnog odbora Saveza.

O upotrebi (korištenju) sredstava, u skladu sa finansijskim planom, odlučuje Upravni odbor.

Član 42.

Predsjednik, Potpredsjednik i članovi Upravnog odbora imaju zakonski mandat i odgovornost za finansijsko-materijalno upravljanje udruženjem. Godišnji finansijski izvještaj predstavlja izvještaj na obrascima propisanim zakonom o poslovanju udruženja sa poslovanjem prema kontnom planu za Savez. Godišnji izvještaj priprema i potpisuje Predsjednik Saveza i isti dostavlja zakonom predviđenim nadležnim organima.

Član 43.

Upravni odbor je dužan, najmanje jednom godišnje, podnijeti Skupštini izvještaj sa podacima o imovini Saveza, приходима, rashodima i drugim pitanjima od značaja za raspolaganje imovinom i za finansijsko poslovanje Saveza.

Član 44.

Imovinu Saveza čine novčana sredstva, stvari i prava koje Savez stiče u skladu sa Zakonom i ovim Statutom.

Za obaveze prema trećim licima, Savez odgovara cjelokupnom imovinom.

Član 45.

Za obavljanje svih stručnih, administrativnih, knjigovodstvenih i drugih poslova, Upravni odbor nalazi mogućnosti i rješenja koja su u skladu sa Zakonom i principima racionalnog poslovanja. Radi izvršavanja određenih poslova Upravni odbor može angažovati odgovarajuća stručna lica, uz naknadu, a u skladu sa zakonom i mogućnostima Saveza.

VIII PRIZNANJA I NAGRADE

Član 46.

Savez može donositi odluke o dodjeli priznanja i nagrada Saveza.

Priznanja i nagrade može dodjeljivati Skupština, na prijedlog Upravnog odbora.

IX-INFORMISANJE I JAVNOST RADA SAVEZA

Član 47.

Rad Saveza je javan.

Organi Saveza su dužni da članovima Saveza, ovlaštenim predstavnicima sredstava informisanja i svim zainteresiranim učine dostupnim podatke, informacije i isprave koje se odnose na rad Saveza.

Predstavnici sredstava informisanja imaju pravo da prisustvuju sjednicama Skupštine i da izvještavaju o radu tog organa.

Član 48.

Članovi Saveza imaju pravo da budu redovno informisani o radu svih organa Saveza.

Za informisanje članova Saveza zadužen je predsjednik Saveza.

Član 49.

Izuzetno, opštim aktom koji donosi Upravni odbor može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa.

X-PREDSTAVLJANJE I ZASTUPANJE SAVEZA

Član 50.

Savez u pravnom prometu s trećim licima predstavlja i zastupa Predsjednik Saveza.

U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik Saveza može dati pismenu punomoć za zastupanje advokatu ili drugom stručnom licu.

XI-TRAJANJE I PRESTANAK SAVEZA

Član 51.

Savez će trajati sve dok za to budu postojali zakonski uslovi ili dok Skupština ne donese odluku o prestanku rada Saveza.

Član 52.

Savez može prestati sa radom dobrovoljno ili po sili zakona.

Odluku o dobrovoljnom prestanku rada Skupština donosi dvotrećinskom većinom svih članova Saveza.

Inicijativu za prestanak rada Saveza može dati jedna trećina članova Saveza ili Upravni odbor, u slučaju:

1. ako je proteklo dvostruko više vremena od vremena utvrđenog Statutom Saveza za održavanje Skupštine, a Skupština nije održana,
2. u drugim slučajevima utvrđenim Zakonom i ovim Statutom.

Inicijativa se podnosi Predsjedniku Upravnog Odbora koji priprema materijal za Skupštinu.

Član 53.

Savez prestaje sa radom po sili zakona, u skladu sa odredbama članova 51. i 52. Zakona.

Savez je obavezan svaku promjenu podataka upisanih u Registar, prijaviti nadležnom Ministarstvu u roku od 30 dana, od dana nastalih promjena.

XII-SPAJANJE I PODJELA SAVEZA

Član 54.

Savez se može spojiti ili podijeliti u drugo Udruženje u skladu sa Zakonom.

Odluku iz prethodnog stava donosi Skupština dvotrećinskom većinom svih članova Saveza.

XIII-PRAVILA ZA RASPODJELU PREOSTALE IMOVINE U SLUČAJU PRESTANKA RADA SAVEZA

Član 55.

Istovremeno sa odlukom o prestanku rada Saveza Skupština donosi plan likvidacije Saveza, kojim se utvrđuje raspored imovine, prava i obaveze Saveza.

Skupština imenuje likvidatora Saveza čija dužnost je da se stara o izvršenju plana likvidacije i koji je ovlašten da zastupa Savez u postupku likvidacije i u postupku podnošenja zahtjeva za prijavu prestanka rada Saveza nadležnim organima.

Imovina kod raspuštanja Saveza, nakon izmirenja svih zakonskih obaveza, dodijeliće se nekom drugom udruženju koje obavlja iste ili slične djelatnosti, a na osnovu odluke Skupštine.

XIV-POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPŠTIH AKATA SAVEZA

Član 56.

Osnovni opšti akt Saveza je Statut Saveza.

Savez može donositi i druge opšte akte: pravilnike, odluke i poslovnike.

Opšti akti moraju biti saglasni Zakonu i Statutu Saveza.

Pojedinačni akti su odluke, rješenja, zaključci, uputstva i mišljenja.

Član 57.

Na sastancima organa upravljanja i njegovim komisijama - odborima obavezno se sačinjavaju zapisnici.

Zapisnici moraju biti istiniti i moraju odražavati tok rada sastanka i sadržavati odluke koje su donijeli organi upravljanja na svojim sjednicama.

Zapisnici moraju biti potpisani.

Inicijativu za izmjene i dopune Statuta može podnijeti svaki član-osnivač Saveza.

Inicijativa se podnosi Upravnom odboru, pismenim putem i sa odgovarajućim obrazloženjem.

Utvrdeni prijedlog dostavlja se Skupštini, najmanje 30 dana prije dana održavanja sjednice Skupštine.

Član 58.

O izmjenama i dopunama statuta odlučuje Skupština nadpolovičnom većinom članova.

Predsjednik Skupštine potpisuje odluku o izmjenama i dopunama Statuta koji se smatraju originalima i čuvaju u arhivi Saveza.

XV REPREZENTACIJA

Član 59.

Radi i ostvarivanja najviših dostignuća u hokejaškom sportu, Savez uspostavlja nacionalne sportske ekipe u ženskoj i muškoj kategoriji (državne reprezentacije) koje mogu imati svoje direktore i selektore.

Savez stvara uslove za rad hokejaških reprezentacija BiH iz stava 1. ovog člana.

Direktor reprezentacija sa nadležnim organima Saveza priprema plan i program rada reprezentativnih selekcija sa stručnjacima koji rade sa pojedinim selekcijama, prati njihove pripreme i rad i preduzima neophodne mjere.

Direktor reprezentacije predlaže Upravnom odboru selektora i trenera reprezentacije, skautira igrače i igračice. Direktor predlaže finansiranja reprezentacija u toku jedne godine. Direktor odgovara za pružene rezultate odabranih selekcija i stručnog štaba.

Član 60.

Selektora reprezentacije bira i razriješava dužnosti Upravni odbor, a na prijedlogu Direktora reprezentacije. Mandat selektora traje četiri(4) godine, u principu olimpijski ciklus. Djelokrug rada selektora bliže se uređuje Pravilnikom o radu sa selekcijama.

Selektor predlaže program rada selekcija u toku jedne godine ili olimpijskog ciklusa i podnosi Upravnom odboru na usvajanje.

XVI RJEŠAVANJA SPOROVA

Član 61.

Sporovi iz međusobnih odnosa svih subjekata u Savezu rješavaju se sporazumno ili putem arbitraže, odnosno putem organa Saveza.

Član 62.

Sportska arbitraža HOKEJAŠKOG SAVEZA BOSNE I HERCEGOVINE je stalna arbitražna institucija HOKEJAŠKOG SAVEZA BOSNE I HERCEGOVINE, osnovana radi nezavisnog, nepristrasnog, samostalnog i hitnog arbitražnog rješavanja sporova u hokejaškom sportu.

Sportska arbitraža je nezavistan organizacioni dio HOKEJAŠKOG SAVEZA BOSNE I HERCEGOVINE i u svom radu i odlučivanju je samostalna.

Član 63.

Sportska arbitraža HOKEJAŠKOG SAVEZA BOSNE I HERCEGOVINE odlučuje o svim sporovima u hokejaškom sportu, koji nisu u isključivoj nadležnosti redovnog suda ili u nadležnosti Stalne sportske arbitraže pri Olimpijskom komitetu BiH, odnosno u nadležnosti Stalnog sportskog arbitražnog suda pri Sportskom savezu BiH.

Nadležnost, sjedište, sastav i organizacija Sportske arbitraže, uslovi i način izbora i razrješenja, arbitražni troškovi i postupak iz njene nadležnosti bliže se uređuju Pravilnikom o radu Sportske arbitraže koju donosi Upravni odbor Saveza.

Član 64.

Za arbitra može biti imenovano lice koje ispunjava slijedeće uslove:

- Da ima poslovnu sposobnost,
- Da je diplomirani pravnik,
- Da nije krivično kažnjavao.
- Za arbitra ne može biti imenovano lice koje je član nekog organa Saveza, kao ni lice u vezi s kojim postoje drugi razlozi koji dovode u pitanje njegovu nepristrasnost.

Arbitar mora biti nepristrasan i nezavisan u odnosu na stranke i predmet spora.

XVII DISCIPLINSKI PRAVILNIK

Član 65.

Disciplinske mjere mogu biti izrečene za nesportsko ponašanje, povredu i prekršaj Statuta Saveza, Pravilnika ili odluka donesenih u skladu sa njima.

Član 66.

Detaljan način podnošenja prijave, izricanja mjera, kao i način podnošenja žalbe biće definisan disciplinarnim pravilnikom, koji donosi Upravni odbor Saveza.

XVIII EVIDENCIJA I ARHIVA SAVEZA

Član 67.

Upravni odbor obavezan je donijeti Pravilnik o evidenciji i arhivi Saveza.

Član 68.

Evidencija Saveza mora, pored ostalog da sadrži matičnu knjigu u koju se unose podaci o:

- Spisku članova Saveza;
- Aktivnim članovima-sportistima u pojedinim selekcijama;
- Stručnim kadrovima;
- Donatorima i sponzorima;
- Profesionalno zaposlenim licima u Savezu;
- Članovima organa Saveza;
- Ostvarenim rezultatima na takmičenjima;
- I drugi podaci.

Član 69.

Evidencija Saveza se vodi na propisanom obrascu koje donosi nadležna komisija koju imenuje Upravni odbor Saveza .

Članovi Saveza su obavezni da vode evidenciju o podacima koje zahtjeva Savez i dati ih na njegov zahtjev.

Član 70.

Svaki takmičar-sportista mora se evidentirati u Savezu kako bi mogao učestvovati na takmičenjima koja organizuje Savez.

Evidencija takmičara-sportista, trenera će se vršiti na osnovu Pravilnika o evidenciji i arhivi Saveza.

XIX PRELAZNE I ZAVRŠNE ODREDBE

Član 71.

Skupština Saveza nadležna je za tumačenje odredbi ovog Statuta.

Član 72.

Stupanjem na snagu ovoga Statuta, stavlja se van snage „Statut HOKEJAŠKOG SAVEZA BOSNE I HERCEGOVINE“ koji je usvojen na sjednici Skupštine Saveza održanoj 02.12.2013 godine u Sarajevu broj:02/13 od 02.12.2013 godine.

Član 73.

Ovaj Statut stupa na snagu danom njegovog donošenja, a primjenjivat će se od dana upisa u Registar Udruženja, kod nadležnog Ministarstva.

Broj:02/18

Predsjednik Skupštine Saveza

Sarajevo,25.07.2018.godine.

Nermin Dizdarević